

Ka Ho'opakele I Nā Ulu Lā'au 'Ōiwi

'O ke kumu 'ōhi'a ke kuamo'o o nā ulu lā'au 'ōiwi ma Hawai'i. 'O ia ke kumu mua e ulu ma ka 'āina hou. He home ia no nā mea kanu a me nā holoholona 'ōiwi. Ho'ohei ke kumu 'ōhi'a i ka ua a me ka noe e ho'opiha hou i nā kumu wai o ka 'āina. Ho'ohanohano 'ia kēia mau kuleana ko'iko'i ma nā mo'olelo o Hawai'i, a 'ike 'ia ke kumu 'ōhi'a a me nā pua lehua he kinolau ia no nā akua.

No ka nui ko'iko'i o ke kumu 'ōhi'a ma ke kaiaola, he weliweli maoli nō kēia ma'i hou e ho'ohopohopo like ana i nā loea mo'omeheu a me nā loea ho'omaluō. 'O ka *Rapid 'Ōhi'a Death* he ma'i kalina e lele wikiwiki nei i waena o nā kumu 'ōhi'a. He pō'ino keu a ka weliweli ka make laulā 'ana o nā ulu lā'au 'ōhi'a.

Ua pau 'ē nā kumu 'ōhi'a he mau kaukani ma nā 'eka he 30,000 a 'oi ma Hawai'i Mokupuni. Ke kāko'o nei ka HTA i nā papahana ho'ona'auao kaiāulu no ka ho'okū i ka laha o kēia ma'i. Ma mua o ke kalaiwa a komo wāwae paha i nā ulu lā'au o Hawai'i nei, e kipa mua aku iā RapidOhiaDeath.org no ka 'ikepili.